



Broj: 12-14-2199-1/19  
Sarajevo, 19. 11. 2019.

Na osnovu člana 70. Zakona o javnim nabavkama („Službeni glasnik BiH“, broj 39/14) i preporuke Komisije za provođenje postupka nabavke putem otvorenog postupka javne nabavke kompjuterske opreme za potrebe Ureda za reviziju institucija u Federaciji Bosne i Hercegovine (obavještenje o nabavci broj 296-1-1-23-3-19/19, objavljeno na Portalu javnih nabavki 25. 10. 2019. godine i sažetak obavještenja o nabavci, objavljen 1. 11. 2019. godine u „Službenom glasniku“, broj 73/19), date u Zapisniku broj 12-14-2044-15/19 od 19. 11. 2019. godine, generalni revizor donosi

## ODLUKU

### o izboru najpovoljnijeg ponuđača

#### I

U otvorenom postupku nabavke za dostavu ponuda za izbor najpovoljnijeg ponuđača za nabavku kompjuterske opreme za potrebe Ureda za reviziju institucija u Federaciji Bosne i Hercegovine, postupak podijeljen po lotovima: lot 1 – nabavka laptopa, lot 2 – nabavka multimedijalnog projektora sa dodatnom opremom, Ugovorni organ donio je odluku o izboru ponude ponuđača Emado d.o.o. za lot 1 i za lot 2.

#### II

Zadužuje se Odjeljenje za pravne i opće poslove i ljudske resurse da ovu Odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja Odluke, elektronskom poštom, preporučenom poštom ili neposredno.

#### III

Ova Odluka stupa na snagu danom donošenja i objavit će se na internetskoj stranici Ugovornog organa: [www.vrifbih.ba](http://www.vrifbih.ba), sa upućivanjem iste ponuđačima koji su sudjelovali u postupku javne nabavke, saglasno članu 70. stav (6) i članu 71. stav (2) Zakona o javnim nabavkama.

### Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu s odredbama Zakona o javnim nabavkama („Službeni glasnik BiH“, broj 39/14), Odlukom broj 12-14-2044-1/19 od 23. 10. 2019. godine, pokrenuo otvoreni postupak javne nabavke za dostavu ponuda za izbor najpovoljnijeg ponuđača za nabavku kompjuterske opreme.

Obavještenje o javnoj nabavci broj 296-1-1-23-3-19/19 objavljeno je na Portalu javnih nabavki 25. 10. 2019. godine. Uporedo sa objavljivanjem obavještenja o nabavci objavljena je i tenderska dokumentacija na Portalu javnih nabavki.

Komisija za javne nabavke za izbor najpovoljnijeg ponuđača za nabavku kompjuterske opreme Ureda za reviziju institucija u Federaciji Bosne i Hercegovine, imenovana Rješenjem generalnog revizora broj 12-14-2044-2/19 od 23. 10. 2019. godine, provela je postupak javne nabavke u skladu sa Zakonom o javnim nabavkama i podzakonskim aktima, te sačinila Zapisnik o otvaranju ponuda broj 12-14-2044-13/19 od 15. 11. 2019. godine, Analitički prikaz traženih i dostavljenih dokumenata – kvalifikacija ponuđača broj 12-14-2044-14/19 od 15. 11. 2019. godine i Zapisnik o pregledu i ocjeni ponuda broj 12-14-2044-15/19 od 19. 11. 2019. godine, u kojima je konstatovano:

- u predmetnom postupku nabavke i nadmetanju, Ugovornom organu dva ponuđača dostavila su ponude za lot 1, i to Godimerc d.o.o. i Emado d.o.o., a jedan ponuđač dostavio je ponudu za lot 2, i to Emado d.o.o.;
- ponuda ponuđača Emado d.o.o. prihvatljiva je za lot 1 i lot 2;
- ponuda ponuđača Godimerc d.o.o. nije prihvatljiva za lot 1 jer ponuđač nije ispunio zahtjeve tenderske dokumentacije. Ponuđač nije dostavio rok za isporuku u skladu s tenderskom dokumentacijom. Ponuđač je u Izjavi naveo da će sva ponuđena oprema biti isporučena do 45 dana po dobivanju narudžbenice i potpisivanju ugovora, te je u Nacrtu ugovora, u članu 11. stav 2, izvršio precrtavanje broja „20“, te upisao broj „45“ hemijskom olovkom, što je u suprotnosti sa tačkom IV 1. tenderske dokumentacije. Ugovorni organ dužan je u skladu sa članom 68. stav (4) predmetnu ponudu odbaciti jer ne ispunjava zahtjeve tražene tenderskom dokumentacijom;
- primljena je po jedna prihvatljiva ponuda za lot 1 i lot 2 i e-aukcija se ne može zakazati, nego se postupak okončava u skladu sa članom 69. Zakona.

Na prijedlog Komisije, Ugovorni organ donio je Odluku kao u dispozitivu.

**Pouka o pravnom lijeku:** U skladu s članom 99. i 101. Zakona o javnim nabavkama, protiv ove Odluke može se uložiti žalba u roku od 10 (deset) dana od dana zaprimanja.

Žalba se ulaže Ugovornom organu u pisanom obliku, neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, koji ne može biti manji od 3 (tri).

Dostaviti:

- Godimerc d.o.o.
- Emado d.o.o.
- u spis predmeta nabavke
- a/a



**GENERALNI REVIZOR**

**Dževad Nekić, dipl. oec.**